

47 vitjanastyrkja úr sjóðnum í hlutfalli við kostnað þeirra af læknisvitjunum á árinu.
13. marz Þó geta þeir ekki vænt slikra styrkja, sem ekki hafa orðið fyrir meiri kostnaði en svo, að hann teljist þeim ekki tilfinnanlegur, miðað við efnahag þeirra og ástæður. Að öðru jöfnu ganga þeir fyrir um styrki, sem lengst og erfiðast eiga til læknis að sækja.

7. gr.

Fé sjóðsins skal ávaxta, eftir því sem við verður komið án þess að stofna því í hættu, og þannig, að sá hluti þess, er verja ber til læknisvitjanastyrkja, sé jafnan handbær, er til þess þarf að taka.

Reikningsár sjóðsins er almanaksárið. Reikning fyrir hvert liðið ár skal senda landlækni, áður en tillag ríkisins til sjóðsins verður greitt fyrir næsta ár.

8. gr.

Sjóðstjórnin skal haga þannig starfsemi sjóðsins, að þeir hreppsþúar, sem eru í sjúkrasamlagi, verði að öðru jöfnu eigi verr settir að því, er tekur til aðstoðar sjóðsins, en aðrir hreppsþúar.

Reglugerð þessi, sem sett er samkvæmt heimild í lögum nr. 59 4. júlí 1942, staðfestist hér með til að öðlast gildi þegar í stað.

Í heilbrigðismálaráðuneytinu, 13. marz 1946.

Finnur Jónsson.

Gústav A. Jónasson.

48

13. marz

REGLUGERÐ

fyrir læknisvitjanasjóð Skútustaðahrepps í Suður-Þingeyjarsýslu.

1. gr.

Sjóðurinn heitir Læknisvitjanasjóður Skútustaðahrepps í Suður-Þingeyjarsýslu í Breiðumýrarlæknishéraði og er stofnaður samkvæmt lögum nr. 59 4. júlí 1942, um læknisvitjanasjóði.

2. gr.

Markmið sjóðsins er að styrkja til læknisvitjana íbúa Skútustaðahrepps eða auðvelda þeim læknissóknina á annan hátt, svo og að létta hreppsþúum aðrar sjúkdómsbyrðar og hlynna að heilbrigðismálum hreppsins yfirleitt.

3. gr.

Í stjórn sjóðsins eru hreppstjórnin í Skútustaðahreppi og tveir menn aðrir, kosnir af hreppsnefnd. Hreppstjórnin er formaður sjóðstjórnarinnar og jafnframt reikningshaldari og gjaldkeri sjóðsins.

4. gr.

Tekjur sjóðsins eru:

1. Tillag ríkissjóðs, er nemur á ári 2 kr. á hvern íbúa Skútustaðahrepps.
2. Tillag hreppsins, er nemur á ári 1 kr. á hvern hreppsþúa.
3. Áheit og gjafir, er sjóðnum kann að áskotnast.
4. Læknisvitjanastyrkir, sem veittir kunna að verða.

5. gr.

48

Að liðnu hverju almanaksári og fyrir lok janúarmánaðar næsta ár úthlutar sjóðstjórnin styrkjum úr sjóðnum að fengnum umsóknum þeirra, er styrks æskja. Umsækjendur senda umsóknir sínar ásamt skilríkjum til formanns sjóðstjórnarinnar.

13. marz

6. gr.

Tillagi ríkissjóðs samkv. 1. tölulið 4. gr. ásamt tilskildu þriðjungsframlagi á móti, svo og læknisvitjanastyrk hreppsins samkv. 4. lið 4. gr., má aðeins verja til styrktar hreppsbúum vegna kostnaðar af læknisvitjunum. Hreppsbúar njóta að jafnaði læknisvitjanastyrkja úr sjóðnum í hlutfalli við kostnað þeirra af læknisvitjunum á árinu. Þó geta þeir ekki væntt slíkra styrkja, sem hafa ekki orðið fyrir meiri kostnaði en svo, að hann telst þeim ekki tilfinnanlegur, miðað við efnahag þeirra og ástæður. Að öðru jöfnu ganga þeir fyrir um styrki, sem lengst og erfiðast eiga til læknis að sækja.

7. gr.

Fé sjóðsins skal ávaxta, eftir því sem við verður komið án þess að stofna því í hættu, og þannig, að sá hluti þess, er verja ber til læknisvitjanastyrkja, sé jafnan handbær, er til þess þarf að taka.

Reikningsár sjóðsins er almanaksárið. Reikning fyrir hvert liðið ár skal senda landlækni, áður en tillag ríkisins til sjóðsins verður greitt fyrir næsta ár.

8. gr.

Sjóðstjórnin skal haga þannig starfsemi sjóðsins, að þeir hreppsbúar, sem eru í sjúkrasamlagi, verði að öðru jöfnu eigi verr settir að því, er tekur til aðstoðar sjóðsins, en aðrir hreppsbúar.

Reglugerð þessi, sem sett er samkvæmt heimild í lögum nr. 59 4. júlí 1942, staðfestist hér með til að öðlast gildi þegar í stað.

Í heilbrigðismálaráðuneytinu, 13. marz 1946.

Finnur Jónsson.

Gústav A. Jónasson.

AUGLÝSING

49

um staðfesting menntamálaráðuneytisins á reglugerð um barnavernd í Kaldrananeshreppi.

18. marz

Samkvæmt 2. gr. laga nr. 76/1933, um breyting á lögum nr. 43/1932, um barnavernd, er hér með staðfest eftirfarandi

REGLUGERÐ

um barnavernd í Kaldrananeshreppi í Strandasýslu.

1. gr.

Í umdæmi skóla- og barnaverndarnefndar Kaldrananeshrepps er bannað að selja eða afhenda börnum og unglíngum innan 16 ára aldurs tóbak, gefa þeim það eða láta í té á nokkurn annan hátt eða stuðla að því, að þau neyti þess eða hafi það með höndum.